


Universiti Kebangsaan Malaysia dianugerah KURSI UNESCO dalam bidang 'Social Practices in Intercultural Communication and Social Cohesion'



Shamsul A.B

Institut Kajian Etnik (KITA), Universiti Kebangsaan Malaysia (UKM), pada Februari 2019, telah dianugerah KURSI UNESCO dalam bidang 'Social Practices in Intercultural Communication and Social Cohesion,' sebuah kursi penyelidikan. Ini merupakan KURSI UNESCO pertama di UKM dan pertama di Malaysia dalam bidang komunikasi antara budaya yang memberi tumpuan kepada kajian etnik dan kesepaduan sosial. Anugerah ini memperagakan peranan utama KITA-UKM dalam menangani perihal perpaduan dan integrasi nasional serta kesepaduan sosial di Malaysia dan rantau Asia Tenggara. Di samping itu, anugerah ini juga memperakukan kewibawaan KITA-UKM sebagai pemacu kajian hubungan antara dan dalaman etnik dan kajian mengenai pola perilaku seharian yang mendukung kesepaduan nasional ke arah akhirnya merealisasikan perpaduan negara. Ini meletakkan UKM sebagai juara kajian etnik di Malaysia dan rantau ASEAN. Peranan KURSI UNESCO ini adalah untuk bertindak sebagai sebuah hub penyelidikan kolaboratif antara para penyelidik tersohor dan mereka yang baru bertapak di Malaysia dan ASEAN dalam bidang kajian etnik, komunikasi dan kesepaduan sosial. Selain daripada melaksana tugas teras (core business) sebagai sebuah institusi penyelidikan akademik, ia juga terlibat dalam advokasi awam. Terkini KITA-UKM telah berjaya membina Pelan Tindakan Perpaduan Negara 2018 (PTPN 2018) dan Indeks Perpaduan Nasional 2018 (IPNas 2018). Dari sudut penglibatan profesional KITA-UKM juga telah menyumbang kepakaran kepada keperluan sektor swasta, seperti kerjasama pintar dengan AIRBUS, sebuah syarikat globa tersohor, dalam penyelidikan berkait dengan hal ehwal sumber manusia pelbagai etnik. Ketua dan pakar yang menjadi penyandang KURSI UNESCO di UKM ini ialah Profesor Ulung Datuk Dr. Shamsul Amri Baharuddin, Pengarah Pengasas, Institut Kajian Etnik (KITA) UKM, semenjak 2007. Beliau adalah salah seorang daripada lima Profesor Ulung yang dilantik oleh kerajaan Malaysia setakat ini. Baru-baru ini beliau telah dianugerah Felo Akademi Sains Malaysia. Pada 2008 beliau dianugerahkan Academic Prize, Fukuoka Cultural Award, Jepun. Kini beliau adalah Pengerusi, Majlis Profesor Negara (MP. Beliau memperoleh ijazah Doktor Falsafah dalam bidang antropologi sosial daripada Monash University, Australia. (laman web: www.ukm.academia.edu/ShamsulAB).



United Nations
Educational, Scientific and
Cultural Organization



UNESCO Chair in Social Practices in
Intercultural Communication and Social
Cohesion at the National University of Malaysia,
Malaysia